

## **Nomba Natukwata Icikatiilo Ca Bupyani Bwesu**

*“Muli uyo kabili ilyo mwatetekele, mwakakatikwe Umupashi wa Mushilo uwalaiwe, Ico e cikatiilo ca bupyani bwesu tusuke tubukwate, ku kutashiwa kwa bukata bwakwe” (Abena Efese 1:13-14).*

**Icabupyani cesu icaluba nacipokwa ku wesu uwawamisha, Kalubula wa Lupwa umusuma (Ubwina Lebi 25:25-28).** Ifyo Lesa aishileika no kwalula imimonekele Yakwe ukufuma kuli Lesa kabili aishilelengwa umuntu pakutilla engaba umuntunse, **ukwisaba umuntunse Kalubula wa Lupwa ukulubula ukubweseshapo isonde Iya cifyalilwa ku bantu ba cifyalilwa (Abena Filipi 2:5-11).** Ameni. Ifyo kutilla Lesa Wakupapusha aishileba uwacifyalilwa ukwisaba Uwalupwa, pa mulandu Ena tekuti akanye amafunde Yakwe umwine (Abena Roma 8:1-4). Ena aishileba kuli kalubula uwalupwa pa mulandu **yalya e mapange Yakwe.** Ulya e musango Ena acitilemo cena (11 Abena Korint 5:19).

Lesa ukwishiba ukutilla umuntu akawa, nomba Ena tekuti alenge umuntu ukuwa ... Lesa ukwishiba ukutilla umuntu akaluba, nangula Ena tafwaile nangu umo ukuluba... (1 Timoti 2:3-4) **lelo pakutilla kulya ukulangishiwa ukukalamba ukwamibele yakwa Lesa kwingalangishiwa ku bantu bonse,** pakutilla Ena engaba Kalubula, Ena kuti aba Kapususha, umuntu alishilewa. Cali muli wene ukuwa, **Iyena cali muli Lesa ukulubula Wene nakabili.** Ulya e mulandu wine ifwe tulingile ukukwata inshita ya bushiku ukulenga inshita ya kasuba bwino. Ifwe tulingile ukukwata ubulwele ukulenga ifwe ukuipakisha ubumi ubutuntulu. Ifintu fyonse, icisuma ne cibi...

Mu Kusokolola 5:5-6 ifwe tulebelenga; *“Kabili umo wa mu bakalamba atile kuli ine Wilila; mona, Inkalamo ya mukowa wakwa Yuda, Umushila wakwa Dabidi, acimfishe ku kufungulula umufungilo no kukakatula ifikakatikilo fya uuko. Elyo na mwene, kabili, moneni,*

*mukati ka cipuna ca bufumu ne fya mweo fine, na mukati kabakalamba, umwana wa mpanga naiminina...”*

“Umwana wa mpanga.” Mulandunshi Ena tamwene Umwana wa mpanga intashi? **Umwana wa mpanga alikele pa Cipuna ca bufumu cakwa Tata, mukati ka balinshi.** Yohane tekuti amone mulya, ena amwene fye balya ba Kerubi bane ukwiminina kulya ukucingilila incende ya mushilo. **Ena alimwene cilya lelo tekuti amone icali kunuma ya cilya.** Kabili mulya, pa muku fye umo, kulya kwamoneke mukupapusha fye, mukupumikisha **kwaliko Umo** Umwana wa mpaaga.

Nomba, **calangishe cena tacali nama ya cifyalilwa, Umwana wa mpanga, pa mulandu casendele Ibuku ukufuma mukuboko kwa kulyo kwa uyo uwaikela pa Cipuna ca bufumu;** Umwana wa mpanga tekuti acite cilya. **Ena ali Umwana wa mpanga, ali ni Kristu.**

Mu masihi yambi, mu mibele Yakwe ali uwafuka kabili uwatekanya nge mpanga. Moneni **cali Umwana wa mpanga Kalubula,** Umwana wa mpanga Kalubula nga ulya uwa kubalilapo. Lesa te kuti atale ukwaluka. Ameni. **Kalubula wakubalilapo ali umwana wa mpanga;** mwi bala Iya Edeni cali Umwana wa mpanga uo Lesa apele (*Ukutendeka 3:21*). Kabili ici cili apa nakabili, ukuyafika fye na mu Kusokolola, **cena nakabili Mwana wa mpanga** (*Ukusokolola 5:1-10*). **Ukulubula cinshi? Imibele iyawa ne cabupyani icawa ica mutundu uwawa uwa bantu.** Umwana wa mpanga aisabwela ku kulubula, ngefyo uwesu acitile pakutendeka, **ukutulubula ifwe.**

Ukulubula cinshi? Ni finshi ifyo Ena ali no kutulubwilapo? **Icintu icili conse ico icilubwilwe cintu cimo ico icilubile. Cena cintu cimo ico icilubile elyo caletwa nakabili.** Nifinshi ifyo Ena aletuletela ifwe, uyu Umwana wa mpanga? **Ifintu fyonse ifyo twakwete pa kutendeka.** <sup>[1]</sup>

Ni finshi ifyo twalubwilwako? Icintu cimo ico nalimo twalufishe. Ilyo tamulalubulwa, Kulingile kwaba icintu cimo ico icatulubwile ukutubwisha. Kabili **conse cakupyanina ico twakwete na cilubulwa**

**ukubwekeshiwa. Lyena tulingile twalikwete icintu cimo inshita imo ico tatukwete nomba, Lelo uyu Umwana wa mpanga aishile mu kulubula. Mwamona? Twalikwete icintu cimo uko twalubileko.**

Nomba, moneni. Ni finshi ifyo twalufishe? Cisuma, Capelwe kuli Adamu ukukwata Umweo wa Muyayaya, **ilyo lyonse ilyo ena alile ku cimuti ca Mweo alikwete Umweo wa Muyayaya.** Kabili tulemona nakabili ukutula Adamu, Ena apyene isonde. **Ena ali ngo mulungu umunono pe sonde ponse.** Isonde lyali ilyakwe. Ifintu fyonse fyapelwe mu kuboko kwakwe; ena kuti acita nacena conse ico ena alefwaya ukucita. Ena ainike cena, kabili aitile cena, kabili acitile conse ena alefwaya ukucita. Ena mucine ali umwana wakwa Lesa. [2]

Nifinshi ifyo twakwete pakutendeka? **Umweo wa muyayaya. Ifwe twali mpyani she sonde. Ifwe twalikwete Umweo; ifwe tatwalefwa. Ifwe tatwalelwala. Ifwe tatwalekota. Ifwe tatwatalile ukukwata ukusakamana. Takwali ifililo. Takwali inshishi, takwali ububifi, takwali imfwa, takwali imishishi sha mfwi, takwali amapeya ayawa, takwali ukullosha, takwali ukulila. Ifwe twalikwete Umweo wa Muyayaya. Ifwe twali kwete bukateka pe sonde ponse. Ifwe twali fye umulungu pe sonde: twaleendauka, kabili nge ci cimuti tacamoneke bwino ukwimina apa, ifwe kuti twasosa, "Iwe nukuka no kwikala uku lubali," kabili kuti cacita cena. umwela walepupa kabili tatwalefwaya umwela ukupupa, "Umutende, iba shilili," kabili fyena fyalicicitile. Kabili ni finshi ifyo Ena aishile mu kucita? Ukulubula fyonse filya kuli ifwe nakabili, ukuleta fyonse filya nakabili.** [1]

**Nomba natukwata icikatilo ca bupyani bwesu (11 Abena Korinti 1:21-22).** Owe, mwe, mwe. Nifinshi ifyo tukwete? **Ifwe natukwata icishininkisho ukutula Lesa wa mweo. Ifwe natukwata icishininkisho ukutula Lesa ali naifwe.** Ifwe natukwata icishininkisho ukutula Lesa tatusha ifwe, ukutula ifwe tuli Bakwe na Ena wesu, pa mulandu ifwe, **mu mibili yesu ifwe nomba twalikwata**

**Mupashi wa Mushilo uwa kwa Lesa uyo ubilikisha, “Aba, Tata. (Abena Roma 8:14-17). Kabili takuli nangu cimo ico icangatala uku fumyapo cilya. Twali ikashiwa muli Kristu (Abahebere 6:18-20).**

Nomba, ifimuti tafyakwata cena; ifyacifyalilwa tafyakwata cena; lelo nomba **ifwe tucili tuletetela pamo na fyena pa mulandu na nomba tatulapokelela umwisulo wa bwana (Abena Roma 8:22-23). Lelo twalikwata icikatilo ca cena, ukuti twalisendelwe ukufuma mu fintu fya mwi sonde kabili nomba twaisaba abana baume na bana banakashi bakwa Lesa. Bantu ba musangonshi tulingile ukuba? Owe, mwe, ilyo twa tontonkanya pali cilya...Tontonkanyeni pali cena.**

Nomba, ifwe natukwata icikatilo (11 Abena Korinti 1:20-22), **imipashi yesu ukutetela umwisulo wesu bwa bwana, lelo nomba natukwata icikatilo ca cena. Ilyo tulepokelela Mupashi wa Mushilo, Cena cili icikatilo ca bwana bwesu bonse atemwa ipusukilo Iyesu lyonse. Owe, ifyo cawama. Ine nalitemwa fye cilya. Cilya cishinka.**

**Ifwe tulelelela umwisulo wa bwana. Ici cikacitika lilali? Pa kubuka kwa ntanshi. Lilya e lintu imibili yesu ikapilibwilwa ukufuma kuli ifi fibumbwa ifyabipa ifyo twaba kabili tukakwata umubili ngo mubili Wakwe uwa bukata, pantu tukamumona Wene ngefyo Ena aba, kabili tukaba nga Wene (Abena Filipi 3:20-21). Ilyo Ena akamoneka, ifwe tukamoneka mu cipasho Cakwe (1 Yohane 3:2-3). Ifwe tukakwata umubili uwapala Uwakwe, uwabukata nganshi umubili wacindamikwa, kabili amesho yonse no kulwisha kwa bumi ku kapwila muli fube fube uunono ku kufumishiwapo ukukana bapo nakabili.**

Kabili ili hema Iya panonse ilyo ifwe nomba tuletetelamo, ifwe tulelelela **kwi pusukilo ilituntulu mu mwisulo wa Iyena ubuleisa. Lelo nomba muli aya ama hema yeloba twalikwata icintu cimo ico icitweba ukutila natubuka nangula cibe ifyo. Ameni. Ni cinshi cikatilo? Cena caba ukulipila kwa kubalilapo ukunono ukwikatilila cena. Nomba, limo ilyo twatemenwe ifintu fya mwisonde, limo ilyo twa bembwike kabili tatwasakamene pali Lesa, ifwe twali abapatulwa**

**ukufuma kuli Wene, ukwabula Lesa** (*Abena Efese 2:11-12*), **ukwabula Kristu**, mwi sonde, nomba Lesa atumine Umupashi Wakwe uwa Mushilo kabili ukupitila muli cilya ifwe twafumishiwamo ukufuma muli filya fintu. **Nomba, ifwe natukwata icikatilo, cilya twalishiba ukutula twalifuma mumfwa ukwingila mu mweo** (*Yohane 5:24*).  
Ameni!

Lelo, mulemona, nomba natukwata, **ku Mupashi wa Mushilo, icikatilo ca bupyani bwesu**, pa mulandu natufumishiwamo mu fintu fya mwi sonde; kabili tuleenda ukuya fye pamo ne sonde, **lelo tuli pa mulu we sonde** (*Abena Galatia 1:3-5*).

Kabili tulalolekesha ubumi bwesu **kabili tulemona ukutula Wene Mupashi wa Mushilo**, pa mulandu tatusakamana nakabili pa fintu fya mwi sonde. Mwachimone co (*Abena Kolose 3:1-3*). Ilyo lyonse mwateremwa isonde atemwa ifintu fya mwi sonde, lyena ukutemwa kwa kwa Lesa takulaba muli imwe na nomba (*1 Yohane 2:15*). **Lelo ilyo lyonse ilyo muli pa mulu wa filya, lyena muleshiba mwalikwata icabupyani cenu; imwe muli munshila yenu ku mwisulo wa kulubulwa kwenu.** [2]

Ilyo Adamu abembwike pa kumfwila ku kwelenganya kwa mukashi wakwe, mucifulo ca kwikatilila ku Cebo cakwa Lesa, cilya e calengele Adamu ukubembuka. Umukashi wakwe aelengenye na Satana, elyo aletele icipe kuli Adamu, **kabili Adamu alekeleko ku Cebo** no kushitisha. **Ena alufishe nacimbi icabupyani cakwe ilyo alufishe isenge lyakwe ne nsambu ku Mweo.** Ibukisheni, “Ubushiku mukalyako, bulya bushiku mukafwa.” (*Ukutendeka 1:15-17*).

**Adamu alufishe icabupyani cakwe: isonde.** Nomba, cafumine mu minwe yakwe ukuya kuli ulya ashitisheko: Satana. **Ashitishe icitetekelo cakwe muli Lesa ku kwelenganya kwa kwa Satana.** E ico kanshi, Umweo wa Muyayaya wakwe, insambu shakwe ku cimuti ca Mweo, insambu shakwe kwi sonde shali shakwe, kabili alufishe cena conse ca cena mu minwe yakwa Satana. [3]

Ena alufishe Ibuku Iya Mweo **ku kwishiba kwa kwa Satana** kabili alufishe icabupyani cakwe, alufishe ifintu fyonse, kabili takwali inshila yakulubula.

**Lyena Lesa**, ukupangwa mu cipasho ca bantu, **aishileika no kwisaba Kalubula kuli ifwe ku kutulubula** (*Yohane 1:14; Abena Filipi 2:5-11*). [4]

Kabili ulya e mulandu wine **uo Kristu, Lesa, aishileba uwalupwa kuli ifwe**. Kabili Ena alikile kabili ali Umuntu. Kabili ali culile ubwesho. Kabili Bena bali musekele, kabili balimusenteke, kabili alipakeswe, kabili no kusulwa, kabili bamwitile “Belesebuli,” no kusentenkwa, kabili aliculile imfwa mu kukandwa kwa buteko. Mwamona, **Ena aishileba uwalupwa kuli ifwe**. Bali mubepeshe ifyabufi, pa mulandu imwe balamubepesha ubufi. **Ena asendele ubulwele pa mulandu muli balwele. Ena asendele ulubembu, pa mulandu cali lubembu lweni** (*Esaya 53:1-5*). Kabili Ena aishileba uwalupwa. **Inshila fye yeka Ena engatulubula cali no kuba uwalupwa kuli ifwe. Kabili ifyo Ena aishileba uwalupwa, cali nokusenda icipasho ca mubili uwa lubembu no kuba umo wa muli ifwe** (*Abena Roma 8:3-4*). Kabili muli cilya, **Ena alipile umutengo no kulubula ifwe ukutubweshwa mwisenge lyakwa Tata. Owe, ifyo aba Kapususha!** IFyebo teti filondolole cena. [5]

Ilyo umwine wine alufishe cena, kwaba fye inshila imo uko cingalubulwa. Nomba, cilya ni ku walupwa wa mupepi, ena fye eka e wingaba uwalinga ukulubula cena (*Ubwina Lebi 25:25-27*). Nomba, mucine, ici natukwata **mu kufyalwa kwa muli na cisungu kwakwa Yesu Kristu**.

[2]

E ico Kristu alishile kabili alengelwe umuntu **ukusenda imembu shesu, ku kutulubula**. Kristu ukuba ushinga bembuka, aishileba umubembu (*11 Abena Korinti 4:2; Abena Roma 5:6-9*). Ena kuti alubula ifwe. Alleluya, ifwe twalilubulwa. **Ifwe twali “lubulwa” cipilibula, ukuletwa nakabili**. Ifwe twali lubulwa. [6]

Nomba, **Kalubula wesu napelwa Ibuku Iya kulubula ilya kakatikwa ne fikakatikilo cinelubali ukufuma ku**

**Mwine wa ntendekelo** (*Ukusokolola 5:6-7*). Ilyo twalufishe lyena mwibala Iya Edeni, ukupitila muli Adamu, lyabwelelemo ku Mwine wa ntendekelo. Lelo kwaba umulunshi mu calo, **uwaikala ukwabule nsambu; ulya ni Satana. Ili sonde talyaba lyakwe; lyena lyakwa Lesa.**

**Lyena ninkalata yesu ya kulubulwa kwesu, ili Buku Iya kakatikwa ne fikakatikilo cinelubali. Ena alekakatule fikakatikilo, asokolola, alepela ifwe icabupyani Cakwe ku bantu Bakwe. Ena apela icakupyaninina ico Ene apyene pakuba Kalubula uwa lupwa, kabili ubupe fye alepela cena kuli ifwe** (*Abena Roma 8:16-17*). **Cena conse cali Cakwe** (*Abahebere 1:1-3*). Ena ni ulya Uyo uwalubwile Lelo mucifulo ca kusunga cena Umwine, Ena alepela cena ukucibwasha ku bantu (*Abena Efese 3:5-6*). **Kulya ku temwa Kwakwe pali ifwe. Owe.** [1]

**Kristu acili alebomba umulimo wa Kalubula Uwalupwa. Lelo kuleisa inshita ilyo umulimo uwakulubula bukapwa, kabili ilyo umulimo wa kulubula wapwa, lyena Ena alefumapo pa Cipuna ca bufumu cakwa Lesa, uko Ena ekele nomba, lelo cilya te cipuna Cakwe ica bufumu ica luse. “Uyo ukacimfya akekala pamo na ine mu cipuna Candi ca bufumu ngefyo ine nacimfya kabili naikala pa cipuna ca bufumu icakwa Tata.”** (*Ukusokolola 3:21*). Cilya te cipuna Cakwe ca bufumu. Cilya ca Mupashi, Lesa. Kristu, Umwana wa mpanga, tacili ca wene. **Wene ni Lesa mu mubili, ico icili ni Lesa umo wine ukulengwa mu mubili.** [7]

Lelo, mwamona, ubufumu bucili bwaba bwa kwa Satana. Ena acili alikwata ici ciputulwa mu kuboko kwakwe pa mulandu cinshi? **Cena calubulwa na Kristu, lelo Ena alebomba iciputulwa ca Kalubula uwa Lupwa ukusenda abantu bakwe, mpaka ishina Iya wakulekelesha likabikwe pali lilye Buku, nalipokelela lyena no kukakatikwa. Nomba, bushe muleumfwa cena? Lyena Ena aleisa ukufuma pa cipuna cakwe ca bufumu, icipuna ca bufumu cakwa Wishi, aleenda ukwisa ku ntanshi, asenda ibuku ukufuma mu kuboko kwakwa Lesa ukufuma pa cipuna ca bufumu no kupoka insambu shakwe.** [4] **Lyena apoka icabupyani Cakwe; cilya e**

**Lukuta, Nabwinga;** Ena alepoka Iwena. <sup>[3]</sup> Icintu ca kubalilapo Ena alecita cili ubwite kuli Nabwinga Wakwe. **Ameni. Lyena ni cinshi ico Ena alesenda? Ena alesenda uwakulwa nankwe, Satana, no ku mukaka, no kumuposela mu mulilo kunse kulya na bonse balya aba mukonkele** <sup>[4]</sup> (*Ukusokolola 20:11-15*), na bonse balya abo abaputilwemo na Satana ukukana Icebo Cakwe ica kulubula (*Yohane 3:17-18; Marko 16:16*).

Moneni, uyu aisa, asha icipuna ca bufumu nga Kapapatila, ngo Mwana wa mpanga uwaipaiwa ukwisaba inkalamo, Imfumu ukuleta isonde lyonse mu bupingushi ilyo ilya kene (*Ukusokolola 5:5*). **Kalubula wesu Uwalupwa lyena ni Mfumu pali bonse. Cinshi? Nakwata kalata ya bumwine ya kulubula.** Cena conse cili mukuboko Kwakwe. Ndi uwansansa nali mwishiba Wene.

[3]

Ilyo ulyo Mwana wa mpanga akasha cilye cipuna ca bufumu kulya munshiku Shakwe sha mulimo wa kupapatila, ilyo akasha cilye cipuna ca bufumu kulya no kusenda lilye **Buku Iya Kulubula** kabili aisa enda, ikufi lyonse likafukama, ululimi lonse lukalumbula...(*Abena Filipi 2:9-11*). Ulya ali palya. <sup>[4]</sup>

#### Umwakumona:

[1] “Ukusokolola Icipandwa ca 5 Part 2” (61-0618), par. 86-93, 159-160

[2] “Ukusokolola Icipandwa ca 5 Part 1” (61-0611), par. 121-122, 104-109,111-119,129

[3] “Pakati” (63-0317E), par. 103, 99-100, 278

[4] “Icikakatikilo ca Ntanshi” (63-0318), par. 26,131,237

[5] “Abahebere Icipandwa ca 2 Part 2” (57-0825E), par. 179

[6] “Kalubula wa Lupwa” (60-1002), par. 177

[7] “Icikakatikilo ca Citatu” (63-0320), par. 29